

Statutas

dall' Uniun da giuventetgna Morissen

(UGM)

I. DETERMINAZIUN GENERALA

	Art. 1
Intent	L'uniun da juventetgna Morissen (suandont numnau UGM) ei in' uniun el senn digl art. 60 e suandonts dil cudisch civil svizzer (ccs). Ella intenziunescha la cultivaziun dall' unitad denter giuvnas e giuvens. Medemamein vul ella dar caschun da sentupadas e sustener in saun ed amicabel spért.
	Art. 2
Finamira	La finamira ei da mantener cultura, tradiziuns, buns usits ed il lungatg romontsch.
	Art. 3
Egualitad	Las explicaziuns en quellas statutas valan per omisduas schlatteinas.

II. COMMEMBERS

	Art. 4
Commembradi	La UGM cumpeggia commembers activs, passivs e commembers d'honor.
	Art. 5
Commembers activs	Commembers activs ein tut ils tals ch' entran ell' UGM entochen tier lur extrada, exclusiun ni cumplenaziun dil 30avel anniversari. Plinavon terminescha il commembradi activ sunter maridaglia ni mort dil commember.
	Art. 6
Obligaziuns	Taxa annuala Mintga commember activ ei obligaus da pagar ina contribuziun annuala da sfr. 10.- tochen sfr. 50.-. La taxa definitiva vegn fixada dalla radunonza generala. Tala summa vegn retratga directamein la sera da radunonza generala dil/dalla cassier/a dall' UGM. Tals che desistan dalla radunonza generala, denton cun perstgisa, ein obligai da pagar pli tard quei importo.
	Luvrar tenor il program da lavur (art. 21) Mintga commember ei obligaus da luvrar tier tut las occurrenzas obligatoricas sco pretendiu dalla suprastonza.

Perstgisas

Per mintga assenza d' ina radunonza ni d' ina occurrenza obligatorica sto vegnir dau giu ina perstgisa a scret (valeivel mo brev ni e-mail) al president. Davart la valeivladad dalla perstgisa decida la suprastonza. Vegn ei inoltrau negina perstgisa tochen il datum dall' occurrenza ni ei la perstgisa nunvaleivla, sto il commember pagar in castitg da frs. 50.-.

Art. 7

Dretgs

Mintga commember ha il dretg da votar, eleger e da far part dil program da divertiment.

Art. 8

Entrada

In' entrada ei lubida per tuts giuvenils che habiteschan a Morissen e per giuvenils d'ordeifer che han interess da s'engaschar en favur dall' UGM. In commember ei activs naven da sia emprema radunonza generala, la quala decida davart l'entrada.

Art. 9

Extrada

Damondas d'extrada ord l' UGM ston vegnir tschentadas a scret alla suprastonza dall'uniun. Quei sto succeder treis meins avon la radunonza generala.

Art. 10

Exclusiun

En cass ch'in commember fa donn all'UGM entras siu secuntener enteifer l'uniun ni anoviars, sa tal vegnir exclaus ord l'uniun. Quella decisiun cumpeta alla radunonza generala.

Commembers extrai ed excludi han negins dretgs ed obligaziuns.

Art. 11

Commembers passivs

Commembers passivs daventan tut ils commembers activs che han cumplenu il 30avel anniversari ni suenter maridaglia. Els gaudan ils medems dretgs, han denton neginas obligaziuns. Sin lur giavisch vegnan els informai davart las activitads dall' UGM.

Art. 12	
Commembers d'honor	Commembers d'honor san personas ch'ei s'engaschadas oreifer e cun zun gronda premuraziun per l'UGM vegni numnadas entras la radunonza generala sin proposta dalla suprastonza ni sch'il surpli dils commembers propona quei. Commember d'honor san mo personas sur 30 onns (commembers passivs) daventar.

III. ORGANS

Art. 13	
Organs	Ils organs dall' UGM ein: - la radunonza generala - la suprastonza - ils revisurs da quen

Art. 14	
Radunonza generala	La radunonza generala ei igl organ suprem dall'UGM. Ella ha per ordinari liug da Tschuncheismas. Ulteriusas radunonzas vegnan convocadas aschi savens sco la suprastonza anfla per bien, ni sche silmeins in tschunavel dils commembers pretenda quei a scret.

Art. 15	
Tractandas	<ol style="list-style-type: none">1. Beinvegni ed elecziun dils dumbravuschs2. Prelecziun ed approbaziun dil protocol3. Rendiment da quen<ol style="list-style-type: none">a) Presentaziunb) Rapport dils revisurs da quenc) Approbaziun4. Rapport annual dil president5. Mutaziuns da commembers6. Ingant da bandieras7. Elecziuns8. Program da lavur9. Program da divertiment10. Varia <p>Las tractandas ston vegnir comunicadas silmeins duas jamnas avon il termin fixau. Mintga radunonza convocada en uorden ei habla da decider. Conclusiuns ed elecziuns succedan cun maun pli. Tier in resultat uliv decida il president.</p>

Art. 16

Cumpetenzas

La radunonza generala ei cumpetenta per:

1. L'elecziun da:
 - a) Il president
 - b) Igl actuar, vice-president
 - c) Il cassier
 - d) Ils revisurs da quen
 - e) Responsabla da tschupials
 - f) Il capitani
 - g) Il Sontgaclau
 - h) Commembers dalla gruppa da lavur
 - i) Las giuvnas da purtar Nossadunna
2. Approbar il program da lavur
3. Approbar il program da diverdiment incl. il budget necessari
4. Fixar la contribuziun annuala
5. Excluder commembers tenor art. 10 dallas statutas

Art. 17

Elecziuns

L'entira suprastonza croda mintg'onn en elecziun e vegn mintgamai elegida per ina perioda dad 1 resp. 2 onns.

Vegn in dils suprastonts (art. 16 a, b, c) elegius per l'emprema gada en in uffeci da suprastonza, lu cuoza sia perioda d'uffeci 2 onns. Suentar quels 2 onns vegn el mintgamai elegius per ina perioda dad 1 onn.

Silpli dus suprastonts san seretrer el medem onn da lur post. Dues ei denton tuttina esser il cass che tuts vulan seretrer, ei il suprastont culs pli paucs onns d'uffeci obligaus d'exequir si'incarica per in ulterior onn.

Ils revisurs da quen, il capitani dalla parada, il Sontgaclau, ils commembers dalla gruppa da lavur, la schefa da tschupials e las giuvnas, las qualas han da purtar Nossadunna (art. 16 d, e, f, g, h, i) vegnan elegi per ina perioda dad in onn.

Suprastonza

Art. 18

La suprastonza vegn elegida dalla radunonza generala. Ella consista ord ils suandonts organs che han mintgamai suandontas obligaziuns:

a) il president

Il president ei obligaus da menar la suprastonza, organisar e menar atras las radunonzas generalas, representar l' UGM anoviars e mantener il spért da cuminonza enteifer l' UGM.

b) igl actuar, vice-president

Igl actuar meina ils protocols ed ei obligaus da sustener il president en sia lavur. En cass ch'il president ei impediud, ei igl actuar medemamein vice-president ed ha da surprender las lavurs dil president.

c) il cassier

Il cassier ei obligaus da menar cunscienzusamein ina schubra contabilitad ed ei responsabels per ina solida situaziun finanziaria dall' UGM.

Ils commembers dalla suprastonza ein deliberai dalla taxa annunuala.

Ils revisurs da quen

Art. 19

Ils revisurs da quen ein obligai da reveder il quen annual e da controllar la gestiun dall' uniu.

IV. ULTERIURS FUNCZIUNARIS

Art. 20

Ils ulterius funcziunris han mintgamai las suandontas obligaziuns:

Responsabla da tschupials

Ella ei responsabla per ils tschupials dalla parada da Sontg'il Crest e Sontg'Onna sco era tier ina nozza d'in commember activ ni passiv . Per quei intent ha ella la cumpetenzza da delegar commembers che segidan.

Il capitani

Il capitani ei obligaus d'organisar e menar atras las duas paradas da Sontg'il Crest e Sontg'Onna en ina moda e maniera professionala. El prepara las bandieras e s'informescha pertuccont il program da messa. Per quei intent ha el la cumpetenza da delegar commembers che segidan.

Il Sontgaclau

La persuna che vegn elegida dalla radunonza generala ei obligada da far Sontgaclau ni d' encurrir in Sontgaclau per quella sera. Medemamein organisescha ella ils gidonters dil Sontgaclau e communicatescha quels al president dall' UGM.

Commembers dalla grupp da lavur

Tals commembers ein suttamess directamein alla suprastonza ed ein obligai d' agir sco lezza pretenda quei.

Las giuvnas da purtar Nossadunna

Talas commembras ein obligadas da purtar la Nossadunna alla parada da Sontg'Onna. En cass d'absenza ston ellas organisar ina substituta.

V. PROGRAM

Art. 21

Program da lavur

Il program da lavur dall'uniun cumpeggia las suandontas activitads:

- occurrenz
- parada da Sontg'il Crest e Sontg'Onna (perdanonza)
- tschupials da parada
- Sontgaclau
- ulteriuras lavurs ed occurrenz

Art. 22

Program da divertiment

Il program da divertiment dall' uniun cumpeggia las suandontas activitads:

- sera da recreaziun
- viadi da stad (grond e pign)
- ulteriuras occurrenz

Ulterior program	Art. 23 En cass extraordinaris vegn suandont ulterior program da lavur vitier: - tschupi tier ina nozza d'in commember activ e passiv - parada tier in mortori d'in commember activ
-------------------------	---

VI. FINANZAS

Finanzas	Art. 24 La cassa dall'UGM vegn spisgentada sco suonda: - recav d' occurrenzas - bunamanas - castitgs - taxa annuala - ingant da bandieras - ulteriuras entradas
-----------------	---

VII. INVENTAR

Bandieras	Art. 25 L' UGM posseda treis bandieras. Occasiuns da purtar quellas ein: - Sontg'il Crest - Sontg'Onna (perdanonza) - sepultura d'in commember - nozzas d'in commember - differentas occasiuns el vitg
------------------	---

Las treis bandieras vegnan surdadas mintgamai al president. El ei responsabels per ellas. Las bandieras vegnan deponidas en local d'uniuns el center communal.

VIII. DETERMINAZIUN TRANSITORICA

Art. 26 Persunas ch'ei commembers passivs el mument dall' approbaziun dallas presentas statutas, las quallas daventassen entras igl artechel 5 da questas statutas puspei commembers activs, restan commembers passivs.
